

# Kart daa bzej Páblona' na' bseleen lao ben'ka' nonlilall' Jesucrístona' gana' mbani Galáciana'

**1** <sup>1</sup>Nad' Pablo, nak' postl che Jesucrístona', na' aga no ben' yell-lío wleje' nad' na' bselee nad' wi'a xtilleena', san kwin Jesucrístona' na' Xacho Chioza', beena' bisbane'ne' ladj ben' wetka', bsel'gake' nad'. <sup>2</sup>Nad' na' yog' bish' l'jwellchoki chwapnto' le' chiox, ka le nonlilall'le Crístona' to to yellka' lle' gana' mbani Galáciana'. <sup>3</sup>Chnabid' Xacho Chioza' na' Xancho Jesucrístona' gaklenshgagake' le' na' wzoagake' le' mbalaz. <sup>4</sup>Jesucrístona' bzani kwine' wite' ni checho daa nakcho ben' saaxya, kwenche bisle' cho' lao dii mala' de yell-lioni, kon ka goklall' Xacho Chioza' gone', <sup>5</sup>beena' chido' sho' balaan zejli kañi. Kan' nakan.

<sup>6</sup>Le chibanid' chele daa ba bilaala'odozle Chioza', beena' gox wñab le' na' bliile' le' yel' chiyesh'lalli che'na' daa bselee Crístona' wite' ni checho, na' ba zjanozle to dii yoblə daa bi nak dill' wen dill' kob che'. <sup>7</sup>Aga inacho de sto dill' wen dill' kob yoblan, san zoaz bal ben' cheengakile' gonlej gongangakile' len', na' chsha'zgage' dill' wen dill' kob che Crístona'. <sup>8</sup>Shi ga za' ben' yishee dill' wen dill' kob che Crístona' daa ba wdixje'into' le', Chioza' wsak'zi'shgue' zejli kañi nottezə beena' gon ka', laa neto' wa no anjl ben' za' yabana'. <sup>9</sup>Ba wñiakzə' le' ka', na' naa chiznia'n sto shii: shi no chsha' dill' wen dill' kob che Crístona' daa ba wdixje'into' le', Chioza' wsak'zi'shgue'ne' zejli kañi.

<sup>10</sup>Aga cheenid' ile'shii ben' nad' daa nia' ka', san cheenid' gon' daa chazlall' Chioza'. Shi cheenid' gon' ka chazlall' ben', aga wen llin che Crístona'chan nak'.

<sup>11</sup>Cheenid' inezile dga, le' ben' bish' na' le' ben' zan', dill' wen dill' kob che Crístona' daa wdixje'id' le' bi nakan dii wdiljlall' ben' yell-lioni. <sup>12</sup>Ni to ben' yell-lío bi bli' bsedile'n nad', san kwin

Jesucristona' bli' bsdile'n nad'.

13Ba benzkzile' ka bsa' cha' kana' ni noa' ley chento'na', neto' ben' Israel. Na' bsak'zi'a ben'ka' nak lall' na' Chioza' daa nonlilall'gake' Crístona', goklallaa yis lengakee. 14Kana' ni noa' ley chento'na', wlejlaw' ladj ben'ka' nak ljjwell' daa ben' to dii byen wnoa' yog' diika' bkwaanlen dii xozxto'nto'ka' neto'. 15Per Chioza', kana' zi' galjtia', ba ngwee xnez xlatjin yiyesh'lallile' nad', na' wleje' nad' kwenche gon' xshine'na'. Na' ka bllin llana' nllie' bia', 16bene' ka bembia' Xiine'na' kwenche llji'a xtilleena' lao ben'ka' bi nak ben' Israel. Na' ka gox wñab Chioza' nad', ni tlish' ben' yell-lío bi wñabid' wzajniile' nad' daa chiyal' gon'. 17Ni bi biyaa Jerusalénna' lljawia' ben'ka' wlej Crístona' nakgake' postl che' kana' zi' kweje' nad'. San lii wyaatia' gana' mbani Arábiana', na'tech biyaa Damáscona' sto shii.

18Na' ka wde shon yiz, biyaa Jerusalénna' kwenche bembia' Pédróna', na' bigaanlenee shda' wbill. 19Lekzka' ble'id' Jacóbona', beena' nak ben' bish' Xanchóna', na' kochno postl yoblə ble'id'. 20Chioza' nezile' dga chzej' le' bi nakan de wxiye'.

21Na'tech wyaa gana' mbani Síriana' na'ch Cilíciana'. 22Per ben'ka' nonlilall' Crístona' Judéana' bin' gombia'gake' nad'. 23Zeelo ba bengakile' nagake': "Beena' bsak'zi'e cho' kana', ba chde' choe' dill' wen dill' kob che Crístona' daa goklallee yisol yiníte' kana'." 24Na' be'la'ogake' Chioza' daa ba chyixji'a xtill' Crístona'.

**2** 1Wde shda' yiz biyaa Jerusalénna' sto shii, na' wza'len Bernabéna' nad' na' lekzka' bchi'a Títóna', 2Ia' Chioza' bene' ka wnezid' nan chiyal' sha'. Na' jashaljen' ben'ka' chñabia' lao ben'ka' nonlilall' Crístona', na' to nad' to legake' bzajniid'gake' ka nak dill' wen dill' kob che Crístona' daa choe'len' ben'ka' bi nak ben' Israel. La' goklallaa inezgakile' bin chli' chsedid' kwenche bi inagake' daa ba ben' na' daa ni chon' nakan dii bibi zakii. 3Na' ni Títóna', beena' zyaalen', naktie' ben' griego, bi bengake' byen sho'e sen daa le circuncisión, 4Ia'kzi wzoa ben' aga do lall'gake' lengake' neto' nxenilall'nto' Cristo Jesúsza' san bidwia bidyizgake' shi ni chonnto' ka na ley daa bzej dii Moisésza'. La' goklall'gake' toshiizi idakw ichejnto' gonnto' doxen ka na leya'. 5Na' neto', biga bennto' ka goklall'gake', daa cheeninto' inezile

bich chonan byen gonle daa na leya', san chiyal' gonle daa na dill' wen dill' kob che Crístona' daa nak dii li.

<sup>6</sup>Ka nak ben'ka' chñabia' lao ben'ka' nonlilall' Crístona' yell Jerusalénna', la'kzi nakgake' ben' mbejlawin bitek zia' wñeyi shi no nakgake', la' yog'cho toz ka zak'cho lao Chioza'. Bi wñagake' chonan byen yishaa diika' chli' chsedid' che Crístona'. <sup>7</sup>San gokbe'gakile' Chioza' ba bene' lall' na' wi'a dill' wen dill' kob che Crístona' lao ben'ka' bi nak ben' Israel, ka bene' che Pédrona' bene' lall' nee chixje'ile'n ben' Israelka'. <sup>8</sup>La' Chioza', beena' wleje' Pédrona' kwenche nake' postl che' na' chixje'ile' cho'a xtilleena' ben' Israelka', lekzen' wleje' nad' nak' postl che' kwenche chixje'id' cho'a xtilleena' ben'ka' bi nak ben' Israel.

<sup>9</sup>Jacóbona', Pédrona', na'ch Juanna', ben'kin mbejlaogake' lao ben'ka' nonlilall' Crístona', ka gokbe'gakile' chaklen Chioza' nad' kwenche chon' xshine'na', na' bli'gake'n chongake' nad' na' Bernabéna' txen daa bex'gake' na'nto'ka'. La' gokgakile' wenan gonnto' xshin Chioza' lao ben'ka' bi nak ben' Israel shlak chli' chsedgakile' ben' Israelka'. <sup>10</sup>Toz dii wñagake' neto' nan chiyal' yiyesh'lallinto' ben' yesh'ka', na' leyen'kzannan' ba yookzə yichj' gon' do yichj do lallaa.

<sup>11</sup>Na' ka bid Pédrona' Antioquíana', bsheshlenee, la' daa bene' bi nakan wen. <sup>12</sup>Dii nech weej wdaolene' ben'ka' bi nak ben' Israel, per ka bid ben'ka' bsel' Jacóbona', bsane' bich weej wdaolene' legake' daa bllibe' ben'ka' na chiyal' sho'cho sen daa le circuncisión na' goncho doxen ka na leya'. <sup>13</sup>Na' ben' Israelka' lle' na', ben'ka' ba nonlilall' Crístona' gokleb'gakile' Pédrona' bich weej wdaolengake' ben'ka' bi nak ben' Israel. Na' axt lenzə Bernabéna' goklebile' legake'. <sup>14</sup>Na' ka gokbe'id' bi chongake' ka na dill' wen dill' kob che Crístona', na' gosh' Pédrona' lao yog' ben'ka' lle' na': “Len naktio' ben' Israel, na' ba wlej yichjo' ley chechona' na' ba wzolozo' chono' txen ben'ka' bi nak ben' Israel. ¿Biche cheenzilo' gono' byen gon ben'ki daa yoolocho choncho, cho' nakcho ben' Israel?”

<sup>15</sup>Cho' nakcho ben' Israel ka goljtechó chakicho bi nakcho ben' saaxya ka ben' yellka' sto, <sup>16</sup>per nezicho ni tlish' ben' bi nake' ben' li ben' shao' lao Chioza' daa chone' yog' daa na ley che'na'. San beena' gonlilallee Jesucristonan' yiyake' ben' li ben' shao'

lawe'na'. Na' lekzka' cho' ba benlilall'cho Jesucristona' kwenche yiyakcho ben' li ben' shao' lao Chioza', na' aga daa goncho daa na leyan'. La' aga no yiyak ben' li ben' shao' lao Chioza' daa chone' daa na leya'.

<sup>17</sup>Daa cheenicho gakcho ben' li ben' shao' lao Chioza' daa wit Cristona' ni checho, chakbe'icho lenkzcho cho' ben' Israelan nakcho ben' saaxya. Na' daa chakbe'icho nakcho ben' saaxya, ¿zejin Cristona' none' cho' ben' saaxya? ¡Bi nakan ka! <sup>18</sup>Shi ba wlej yichj' leya', na' sto shii yiyonza'n lez yiyonan nad' ben' wen, na' gap' dol' lao Chioza'. <sup>19</sup>Nad' nak' ka ben' ba wit lao leya' daa bich chon' ka nan, kwenche gak soa' gon' ka cheeni Chioza'. <sup>20</sup>Nad' nak' ka ben' witlen Cristona' txen kana' wite' lee yag cruza'. Daan, bich chon' daa nazan cha' san Cristona' zoe' lo yel' mban cha'ni. Na' daa chonlilallaane', shlak mban' chon' daa cheeni Xiin Chioza', beena' gokile' nad' na' bzani kwine' wite' ni cha'. <sup>21</sup>Bi chzoa' ka'lə yel' chiyesh'lalli che Chioza' daa bselee Cristona'. La' shel' leya' bizoyin biyanon cho' ben' li ben' shao', bi benan byen wit Cristona' lee yag cruza', shel'ka'.

**3** <sup>1</sup>Le' ben' Galacia, ben' bi chajni, ¿no wxiye'z le'? Kwaslo' bli' bsedinto' le' nanto' Cristona' wxak'zi'e lee yag cruza' ni checho. <sup>2</sup>Toz dii cheenid' inabid' le': ¿Ani che daa chonle daa na leyan' bidsoa' Espíritu che Chioza' loo yichjlall'do'lena'? ¿Anti daa wyajle'le che xtill' Cristona' daa bli' bsedid' len', lla? <sup>3</sup>¡Ni lat' bi chajniile! Espíritu che Chioza' wyo'e loo yichjlall'do'lena' ka wzolo chonlilall'le Cristona'. Na' naa chakile yiyakle ben' li ben' shao' daa chonle ka na leya'. <sup>4</sup>¿Ana' bibi zjanayin yog' yel' zak'zi'ka' ba ben ble'ile daa benlilall'le Cristona'? Non' lez bi gakan ka'z. <sup>5</sup>Chioza' bzoe' Espíritu che'na' loo yichjlall'do'lena' na' bliile' le' yel' wak che'na', aga ni che daa chonle ka na leyan', san daa wyajle'le xtill' Cristonan'.

<sup>6</sup>Ka ben dii Abrahama', wyajli'e che Chioza', na' daa wyajli'e, Chioza' wne' goke' ben' li ben' shao' lawe'na'. <sup>7</sup>Chiya' inezile dga: ben'ka' chajle' che Chioza', legaken' nakgake' dowalj xiin dia che dii Abrahama'. <sup>8</sup>Cho'a Xtill' Chioza' nan bliie' bia' che ben'ka' bi nak ben' Israel lengake' yiyakgake' ben' li ben' shao' lawe'na' shi gonlilall'gake'ne'. Na' bi'e dill' wen dill' koba' kana' golle' dii Abrahama': “Ni cho' li' gak wen che yog' ben' lle' zbii

zkaan yell-lioni.” <sup>9</sup>Na' Chioza' chonleeye' ben'ka' chonlilall' le', ka bene' che dii Abrahama' daa benlilallee le'.

<sup>10</sup>Ben'ka' non lez gaggake' ben' wen daa chongake' daa na leya', ba mbiayi'gake'. La' Cho'a Xtill' Chioza' nan: “Ba nakten kwiayi' beena' bi saki gone' yog'lolte daa nllia leya' bia'.” <sup>11</sup>Na' nakbia'cha aga no nak ben' li ben' shao' lao Chioza' daa chone' daa na leya'. Cho'a Xtill' Chioza' nan: “Beena' nak ben' li ben' shao' daa nonlilallee nad', beenan' ibane'.” <sup>12</sup>Na' aga na leya' chiya' gonlilall'cho Chioza', san nan: “Nottezə ben' chon doxen ka na leya' si'e banez ye' mban che'na'.”

<sup>13</sup>Crístona' wxak'zi'e lee yag cruza' ka to ben' mal ni checho kwenche bi kwiayi'cho daa bi choncho daa na leya'. La' Cho'a Xtill' Chioza' nan: “Ba mbiayi' beena' wwa'gake' to lo yag.” <sup>14</sup>Gok ka' kwenche ka le' bi nakle ben' Israel lenle gonlilall'lene', na' Chioza' gone' wen chele ka bchebe' gone' che dii Abrahama'. Na' shi gonlilall'cho Cristo Jesús'a, Espíritu che Chioza' soalene' cho', kon ka bchebe' gone' checho.

<sup>15</sup>Le' ben' bish' na' le' ben' zan', cheenid' wshaljlen' le' ka choncho cho' ben' yell-lío: Kat' to ben' gone' to yish dii zakii na' ba nakchan, aga no gak ina bibi zakaan ni bich gak wzanche' cho'a dill'ka' le'inna'. <sup>16</sup>Na' kan' nak daa bcheb Chioza' gone' che dii Abrahama' len xiiñ dia che'na'. Cho'a Xtill' Chioza' bi nan: “xiiñ dia che'ka'”, san nan: “xiiñ dia che'na'”. Bi choe'n dill' che ben'ka' shesh shan lo dia che'na', san che toz Crístona', beena' golj lo dia che'nan' cho'en dill'. <sup>17</sup>Dga nia' naa zejín Chioza' bi bzoe' ka'lə daa bchebe' gone' che dii Abrahama' ka bi'e dii Moisés'a ley che'na' wde tap guiyoa shichoa yiz. La'kzi Chioza' bi'e leya', bi wlej yichje' daa bchebe' gone' che dii Abrahama'. <sup>18</sup>Na' shi chonan byen goncho daa na leya' goktgui ikaacho daa bcheb Chioza' gone', bich nakan daa bchebe' gone' cho' ka'zə, shi naa. Per Chioza' bchebe' wi'en dii Abrahama' ka'zə.

<sup>19</sup>Shi ka' nakan, ¿berache be' Chioza' leya'? Bi'e leya' kwenche gakbe'i ben' bi chongake' ka cheenile'. Na' blie' bia' gonan llin shlak bin' yid Crístona', beena' bcheb Chioza' galjə lo dia che dii Abrahama'. Chioza' bchine' anjlka' be'gake' ley che'na' dii Moisés'a, na' bchine' dii Moisés'a bzajniile' ben'ka' ka nan.

20Na' Chioza' bi byalljile' ben' yoblə wzajniile' dii Abrahama' daa bchebe' gone' che', san kwinkze' bzajniile'ne'.

21¿Achakile Chioza' bititjile' xtilleena' daa bchebe' gone' che' dii Abrahama' ka bi'e ley che'na'? Bi nakan ka'. La' shel' leya' gak gonan yel' mban checho, ba biyakcho ben' li ben' shao' daa choncho ka nan, shel'ka'. 22Cho'a Xtill' Chioza' nan yog'lol ben' ndakw nchejgake' lao saaxyana', na' ben'ka' gonlilall' Jesucrístona' gaki chegake' daa ba bcheb Chioza'.

23Kana' zi' yid beena' gonlilall'cho, na' ntakw nchej leya' neto' ben' Israel, axt ki Chioza' bliile' neto' Crístonan' yisle' ben'ka' gonlilall'gake'ne'. 24Na' leya' goklenan neto', gokan ka to ben' nak lall' nee chap chwie' xiin ben', axt ki bid Crístona' benlilall'nto'ne' na' biyaknto' ben' li ben' shao' lao Chioza'. 25Na' naa daa ba bla' beena' nonlilall'cho, bich chnabia' leya' neto'.

26Daa ba nonlilall'le Cristo Jesús'a, ba nakle xiin Chioza'. 27Yog'lol-le, le' ba wchoale nisa' daa nonlilall'le Crístona', ba billa'le na' ba nsa' chele ka nsa' che' daa naklene' toz. 28Na' cho' nakcho Crístona' txen, laa ben' Israel, laa ben' bi nak ben' Israel, laa ben' ndoo lla yel chone' xshin ben', laa ben' chon xshinkze', laa noolə, laa ben' byo, ba nakcho toz. 29Na' shi nakcho lall' na' Crístona', dii licha nakcho xiin dia che' dii Abrahama', na' lencho chidol'cho daa bcheb Chioza' gone' che'.

**4** 1Kin cheenid' inia' le': bi'na' gak lall' na'b' daa de che xabaa, shlak ni nesh'b' toz ka zaklebib' wen llinka' nap xabaa, la'kzi leban' gaki cheb' yog'lolte dii de che'. 2Na' nzoa xabaa ben' chap chwiagake' le' na' chgoogake' xnezi yog'te dii gom' axt ki illinch llana' bllia xabaa bia' bich soab' xni'a ben'ka'. 3Ka'kzan gok checho kana' bin' shajniicho, na' wnocho diika' na ben' yell-lioki chonan byen goncho. 4Na' ka bllin lla, Chioza' bselee Xiine'na', wxan to nool le', na' wzoe' xni'a ley che' dii Moiséza' 5kwenche yisle' nottezə ben' zoa xni'a leya' na' yiyake' xiin Chioza'. 6Na' daa ba nakcho xiine', bselee Espíritu che' Xiine' Jesucrístona' loo yichjlall'do'choni, na' Espírituna' chone' kwenche che'cho Chioza': "Xadawaa." 7Na' naa, bich nakle ka ben' ndoo lla yel chone' xshin ben', san ba nakle xiin Chioza'. Na' daa ba nakle xiine', ba nonle lez ikaale daa chidol' ben'ka' nak xiine'.

<sup>8</sup>Kana' biṅ' gombia'le Chioza', na' wzoale xni'a diika' benlilall'le, diika' bi nak dowalj chios. <sup>9</sup>Per ṅaa ba nombia'le Chioza', wa wench inacho ba nombia' Chioza' le', ¿beraḱe sto shii wzoazle xtillii diika' na ben' yell-lioki chonan byen gonle, diika' bibi zakii? ¿Acheenile yizoale xni'a diika' sto shiin? <sup>10</sup>Na' lenzle chapple balaan llaka', beo'ka', na' kat' chibii lla yelka', na'ch yizka', diika' chakile nakgakan dii llialo. <sup>11</sup>Le chxollid' shi gakdadz xshin Chioza' daa ba ben' ladjlena'.

<sup>12</sup>Le' ben' bish'dawaa na' le' ben' zandawaa, chat'yoid' le' gonle ka chon', la' nad' ba ben' kwina' ka le' bi nole leya' na' bich zoa' xni'ayinna'. Aga chllaan nia' le' ka', la' bigan' bi gonile nad'. <sup>13</sup>Le'kzə nezile ni che to yillwe' dii bex' nad' bgaan' lall-lena', na' kan' gok be'len' le' dill' wen dill' kob che Crístona' dii nech. <sup>14</sup>Na' bi benile nad' nakzi ni bi bzoale nad' ka'lə ni che yillwe'na' gok', la'kzi gokan to dii zed chele. San bleble nad' ka to anjl che Chioza' wa ka kwina' Cristo Jesús'a. <sup>15</sup>¿Garan yel' chiba chizaki chelena' naple kana' wzoalen' le'? Nezid' shel' wxe'ile kwej jalaolena' gonlen nad' kana'. <sup>16</sup>Na' ṅaa, ¿achllaaale nad' daa ba wnia' le' dill' liki?

<sup>17</sup>Ben'ka' bidli' bidsedi le', aga do lall'gaken' bli' bsedgakile' le'. San daa cheenzgakile' yilaale neton' na' gonle legake' txen. <sup>18</sup>Nakkzan wen toshiizi soa ben' wli' wsedile' le' kon shi gongake'n do yichj do lallgake', kwenche aga to kat' yidwiaz' le' wli' wsedid' le'. <sup>19</sup>Le' xiindawaa, sto shii chak cha' ka chak che noola' chllagloe' sane' bi'do' che'na' daa chi' yichjlikz' gake' ka chazlall' Crístona'. <sup>20</sup>Shel' wxe'id' naate soalen' le' we'len' le' dill' goll-lall', la' bi chajniid' biche chonzle ka'.

<sup>21</sup>Ka le' cheenile gonle daa na leya', li inashki nad': ¿abin' yenile ka na leya'? <sup>22</sup>Cho'en dill' wzoa chop xiin dii Abrahama': tob' gok xiin noola' wxi'gake' bene' llin che'ka', na' stob' gok xiin beena' gok nool che' dowalj, beena' biga gok wen llin che ben'. <sup>23</sup>Xiin nool wen llin che'ka' wzoab' daa wzoalen ljwellgake'. San noola', beena' biga gok wen llin che ben', wzoa xiine' daa bcheb Chioza' wi'e to bi' chegake'. <sup>24</sup>Daa gok che noolka' chop, chzajniin cho' che chop daa be' Chioza' ben' Israelka'. Dii Agara' zakleBILE' leya' daa be' Chioza' lo yaa Sinaína'. Na' len' goke' xna' beena' wdoo lla yel bene' xshin ben'. <sup>25</sup>Na' zakleBILE' yaa Sinaína'

daa zoa Arábiana', na' nake' ka yell Jerusalénna' daa zoa naa.  
La' yog' ben'ka' chesh chalj yella' nakgake' ka ben' ndoo lla yel  
 chone' xshin ben' daa zoagake' chongake' daa na leya'. <sup>26</sup>San  
 cho' lljazoacho Jerusalénna' daa zoa yabana' gana' zoa Chioza',  
 bi nakcho ka ben' ndoo lla yel chone' xshin ben', la' bi zoacho  
 xni'a leya'. <sup>27</sup>La' Cho'a Xtill' Chioza' nan:

Li' nool will, ben' kono xiin<sub>in</sub> zoa, biba bizaki.

Li' bin' tio' lo yel' zak'zi' che yel' san bi'do', besyaa yel'  
 chiba chizaki cho'na'.

La' noola', beena' wchoonlall' ben' che'na'ne',  
 soach xiine' aga ka beena' zoalen ben' che'na'.

<sup>28</sup>Na' le' ben' bish'dawaa na' le' ben' zandawaa, nakle ka dii  
 Isaaca', beena' bcheb Chioza' wi'e dii Abrahama'. <sup>29</sup>Na' ka gok  
 kana', bi'na' golj daa wzoalen ljwellgake', biya dii benib' bi'na'  
 golj kon yel' wak che Espíritu che Chioza', kakzan chak naa.  
<sup>30</sup>Na' Cho'a Xtill' Chioza' nan: “Bilag noola' chon xshino'na'  
 len xiine'na'. La' bi lem' ikaab' daa chidol' xiin beena' biga gok  
 wen llin che ben'.” <sup>31</sup>Na' naa, le' ben' bish'dawaa na' le' ben'  
 zandawaa, aga nakchcho ka xiin beena' wdoos lla yel bene' xshin  
 ben', san nakcho ka xiin beena' biga gok wen llin che ben'.

**5** <sup>1</sup>Crístona' ba bisell bilee cho'. Na' chiyal' soachechele  
 kwenche bich soale xni'a daa wtakw wchejan le' dii yoblə.

<sup>2</sup>Nad' Pablo chnabid' le' wzenagle dga nia' le'. Shi le' we'le  
 latj koogake' le' sen daa le circuncisión, bibi zjanayin nale  
 nonlilall'le Crístona', shi naa. <sup>3</sup>Sto shii nia' le', nottezə ben' wi'e  
 latj koogake'ne' sen daa le circuncisión chonan byen gone' yog'lol  
 daa na leya'. <sup>4</sup>Le' chonle ka na leya' daa chakile yiyonan le' ben' li  
 ben' shao', Crístonan' ba bilaala'ole daa chakile ka', na' ba bzoale  
 ka'lə yel' goklenna' ben Chioza' chele. <sup>5</sup>San neto', daa zoalen  
 Espíritu che Chioza' neto', nonnto' lez yiyaknto' ben' li ben' shao'  
 lawe'na' daa nonlilall'nto' Crístona'. <sup>6</sup>Na' shi nonlilall'cho Cristo  
 Jesús'a', aga bi zakii lawe'na' sho'cho sen daa le circuncisión wa  
 bi sho'chon. Daa zakii lawe'na' gonlilall'chone' na' gakicho ben'.

<sup>7</sup>Zejkzle wen lo nez lina' daa ba yoole, shel'ka'. ¿No benllej  
 benganzi le' kwenche bich chzenagle dill' lina'? <sup>8</sup>Aga nak dga  
 che Chios, beena' gox wñab le'. <sup>9</sup>Dezə dill' nan “lat'zə levadúrana'  
 chisgolan doxen kwa che yetxtila'”. <sup>10</sup>Nxenilallaa Xanchona'

gaklene' le' kwenche bi shajle'le che daa bi nak dill' li. Na' Chioza' wsak'zi'e nottezə beena' gonllej gonganile' le'.

<sup>11</sup>Ka nak nad', le' ben' bish'dawaa na' le' ben' zandawaa, shel' ni nia' chiyal' sho' ben' sen daa le circuncisión, aga wsak'zi' ben' Israelka' nad', shel'ka'. La' shel' ni chon' byen gongake'n, bi gakzbangakile' xtil' Crístona' daa nia' wite' lee yag cruza' ni checho kwenche gakcho ben' wen lao Chioza', shel'ka'. <sup>12</sup>Ka nak ben'ka' chdazə chongake' byen sho' ben' sen daa le circuncisión, wentelə shel' wchogtega kwingake' dololte gana' chgwee senna'!

<sup>13</sup>Le' ben' bish'dawaa na' le' ben' zandawaa, Chioza' gox wñabe' le' kwenche yiyell yila'le lao dii mala'. Na' aga ni che biyell bila'le na' gonzle kon daa nazə beli chen chelena'. San li gaklen ljwell-le na' li gaki ljwell-le ganga. <sup>14</sup>La' doxen daa na leyan' choncho shi choncho daa bllia Chioza' bia' daa na: “Chiyal' gakilo' bish' ljwello'na' ka chaki kwino'.” <sup>15</sup>Li wsak' bi til wsheshle kwenche ki wzoazi'yaa ljwell-le na' wlliaiyi' ljwell-le.

<sup>16</sup>Ki nia' le' naa: li gon ka cheeni Espíritu che Chioza', na' bich gonle daa na beli chen chelena'. <sup>17</sup>La' daa chzelall' beli chenna' bi nllaguin Espíritu che Chioza', na' daa cheeni Espíritu che Chioza' bi nllaguin daa chzelall' beli chenna'. Na' ni to diiki bi nllagui ljwellin, na' daan bi choe'gakan latj gonle daa chaklall'le. <sup>18</sup>Per shi chzenagcho daa na Espíritu che Chioza', bich zoacho xni'a leya'.

<sup>19</sup>Nakbia'cha diikin chon ben'ka' chzenaggake' daa che' beli chen che'ka': chdalengake' xiin xool ben' wa xiin xyo ben', chongake' daa nak dii zban, chibagakile' gongake' yog' daa na beli chen che'ka', <sup>20</sup>choe'la'ogake' yaj yag, chlangake' ye' willa'na', chakzbangakile' ben', chakdil-lengake' ben', chakxe'gakile' ben', chllaa chlogkake', chibagakile' to lezgake' gak wen chegake', chibagakile' kwekgake' dil chix na' gonte cheləgake'. <sup>21</sup>Nakgake' ben' xe', nakgake' wen xya, nakgake' ben' weezo, chajgake' ga chal' lni na' chzoll chnitgakile' na' chjeej chjtaogake' ka nla' ka nte, na' chongake' bichlə dii bi yejni'a. Na' nia' le' sto shii, ka dillaa ba be'len' le', ben'ka' chon ka' aga wak yillingake' gana' chñabia' Chioza'.

22San ben'ka' chzenaggake' daa na Espíritu che Chioza' chakgakile' bish' ljwellgake', chiba chizak'gakile', zoagake' mbalaz, napgake' yel' chxenlall', chle'shi'gakile' ben', chongake' wen che ben', chongake' daa chchebgake', 23nakgake' ben' gaxjlall', na' chnabia' kwingake'. Na' ben'ka' chon diiki aga bi ley de dii inan bi chongake' wen. 24Na' ben'ka' ba nak lall' na' Cristo Jesús'a bich choe'gake' latj inabia' beli chenna' legake' daa nakgake' ka ben' ba wit lawi daa chzelall' beli chen che'ka'. 25Shi ba yoo Espíritu che Chioza' loo yichjlall'do'chona', chiyal' we'cho latj inabi'e cho'.

26Bi chiyal' gakcho ben' cha'sib, ni bi chiyal' wshagdilzə ljwellcho, ni bi gaxe'i ljwellcho.

**6** 1Le' ben' bish'dawaa na' le' ben' zandawaa, shi inezile to beena' nakle txen chone' dii mala', ka le' chzenagle che Espíritu che Chioza' chiyal' gaklenlene' kwenche yigooshilallee, na' bi gonilene' zi'bia'. Na' li se wneyi che kwinle kwenche ki lenle yixople lao dii mala'. 2Li gaklen ljwell-le bittezə dii chak chele, la' kan' cheeni Crístona' gonle.

3Shi zoa ben' chon kwine' ben' choo ben' xen, chziye'z kwine'. 4To tole chiyal' yiya yiyiljle nak nsa' chele. Na' shi ba chizoile chonle dii wenna', li yiba yizaki, na' bi inazle chonchle ka ben' yoblə. 5La' to tocho chiyal' sho' yichjcho goncho daa naki checho.

6Ben'ka' chzenag cho'a xtill' Chioza' chiyal' we'gake' bi de chegake' beena' chli' chsedi legake'.

7Bi gatzile wak siye'le Chioza'. Daa gaz kwekle lezannan' yizi' yilaple. 8Beena' choe' cho'a xbayi beli chenna', kwiajee daa chzenague' cheyin. San beena' chon ka cheeni Espíritu che Chioza', yizi'e banez yel' mban zejli kan' daa chzenague' che'. 9Bi chiyal' lljxakicho goncho dii wenna', la' wllin lla yizi'chon banez kon shi bi yidinjicho. 10Na' daan, kat' de xlatjin, chiyal' gonicho wen yog' ben', na' lliarote ben'ka' nakcho toz nonlilall'cho Crístona'.

11Kwin' chisyoll' chzej' yishi.<sup>a</sup> Li wwiakachi ka nak letr yel' cha'ki. 12Ben'ka' chonzə byen sho'le sen daa le circuncisión,

<sup>a</sup> 6:11 *Kwin' chisyoll' chzej' yishi*: Páblona' bchine' ben' bzeje' dillaa bi'e, per kwine' bzeje' to chop cho'a dill' gana' chiyoll' yisha' kwenche gokbe'gakile' len' bseleen.

chongake'n kwen<sub>ch</sub>zə kono bi in<sub>a</sub> <sub>ch</sub>egake', na' kono wsak'zi' <sub>l</sub>egake' daa choe'gake' xtill' Crístona', beena' wit <sub>l</sub>ee yag cruza'.  
 13 <sub>l</sub>a' ni ben'<sub>ka</sub>' yoo senna' bi chizogakile' gongake' doxen ka na leya'. San cheenzgakile' sho'le senna' kwen<sub>ch</sub>e wshalj wshongake' ba bengake' gan yoolen. 14 Ka nak nad', biga cheenid' wshalj wshon' <sub>ch</sub>e kwín', san wshalj wshon' <sub>ch</sub>e daa ben <sub>X</sub>ancho Jesucrístona'. <sub>l</sub>a' daa wite' <sub>l</sub>ee yag cruza' bich bi w<sub>neyi</sub> zia' shi bi in<sub>a</sub> ben' <sub>ch</sub>a', na' ka'kzə ben' yell-lioka' bich ndegake' nad' kwent.  
 15 Bibi zjanayin sho'cho senna' wa bi sho'chon, san daa ba bikob Chioza' y<sub>ich</sub>jlall'do'chonán', <sub>l</sub>ennan' zakii. 16 Yiyesh'lall'shgayi Chioza' yog'<sub>l</sub>ol ben'<sub>ka</sub>' chon ka ba wnia', na' gone' ka soagake' mbalaz, <sub>l</sub>a' <sub>l</sub>egaken' nakgake' dowalj ben' Israel, ben'<sub>ka</sub>' nak yell <sub>ch</sub>e'.

17 Na' <sub>naa</sub>, bich cheenid' no kwekw nad' dii zed, <sub>l</sub>a' kwerp <sub>ch</sub>a'ni nsa'n yill <sub>ch</sub>e yog' diika' ba wxak'zi'a daa chon xshin <sub>X</sub>ancho Jesúza'.

18 Le' ben' bish'dawaa na' le' ben' zandawaa, <sub>X</sub>ancho Jesucrístona' soalenshgue' yog'<sub>l</sub>ol<sub>tele</sub> na' gaklenshgue' le'. Kan' gakan.